

LITURJIA PENITENSIAL BA QUARESMA

“Ita lao hamutuk iha esperansa”



Kanto hahu nian: Hau sae ba Maromak nia uma

G: Hodi Padre.....

L1: Maun alin sira, ho sinál penitensiál ahi-kdesan nian iha ita-nia ulun, ita hahú peregrinasaun anuál Kuarezma nian, iha fiar no esperansa. Mai ita prepara ita-nia fuan atu loke an ba Maromak nia grasa, atu bele selebra ho ksolok boot Kristu, Nia triunfu paskál hasoru sala no mate.

Hotu: Kristu manan tiha ona mate. mate, o nia vitória iha ne'ebe? Oh mate, o nia susar iha ne'ebé?

L2: Jezús Kristu, mate no moris-hi'as, mak sentru ita-nia fiar nian no garante ita-nia esperansa iha Aman nia promesa sira

Hotu: Moris rohan-laek, realiza tiha ona iha Nia, nia Oan-Mane doben.

L3: Mai, ita moris sakramentu rekonsiliasaun nian iha momentu grasa Kuarezmal nian ida-ne'e, hariku tiha ona ho grasa Tinan Jubileu nian, no mai ita reflète atu deskobre bolun sira ba konversaun ne'ebé Maromak nia mizerikórdia diriye mai ita nu'udar comunidade sarani.

MOMENTO DAHULUK : “LAO”

(Ho background muziká neneik, lori ain-fatin sira tau iha fatin ne'ebe prepara ona, tau tutuir malu hanesan lao dalan).

G: Lema Jubileu nian *“Peregrinu sira Esperansa nian”* fo hanoin kona-ba viajen naruk povu Israel nian ba rai prometidu, ne'ebé haktuir iha livru Êzodu: viajen susar husi eskravidaun nian ba liberdade, ne'ebé akompanha no guia husi Na'i, ne'ebé hadomi ninia povu no fiél nafatin ba sira.

Primeira Leitura: lia husi libru Esodu

Na'i dehan ba Moisés no Arão iha rai Ejitu: Fulan ida-ne'e sei sai fulan uluk liu ba imi; ne'e sei sai fulan dahuluk tinan nian ba imi. “ba hateten ba comunidade Izraél tomak katak: ‘Iha loron sanulu fulan ne'e nian, mane idaidak sei hola luhan balada ida ba nia familia, bibi-malae oan ida ba umakain ida-idak. Kesi metin imi nia knotak, hatais imi-nia sandálias, no imi-nia ai-tonka iha imi-nia liman; imi sei han ho lalais. Basà ne'e mak Páskua Na'i nian hodi hasa'e onra ba Na'i. “Ema Izraél sira sei sai husi Ramsés ba Sukot, ema besik rihun atus neen, mane deit la sura labarik sira. Nune'e mós ema lubun boot la'o ho sira, hamutuk ho bibi, karau no balada sira barak liu. “Israel oan sira hela iha Ejitu tinan atus haat tolunulu, iha loron ne'eba, Na'i nia soldadu sira hotu husik tiha rai-Ejitu, “Kalan ne'ebe Na'i hader tiha atu lori sira sai husi Ejitu. Bainhira Faraó husik ona povu sai, Maromak lalori sira tuir dalan ba Filísteu nian, maski dalan badak liu; nia halo povu la'o tuir dalan ne'ebé liuhusi rai-fuik ba Tasi Mean.

Na'i nia futar lia

G: Iha momentu silénsiu nian ita reflète no mai ita husu ba ita-nia an:

Oinsá ha'u husik ha'u-nia an interpela hosi situasaun sira-ne'e? Ha'u halo dalan duni ka paralizadu, státiku, tauk no laiha esperansa, ka metin iha ha'u nia zona konfortu? Ha'u buka dalan atu liberta ha'u-nia an hosi situasaun sira sala nian no falta dignidade nian?.

Orasaun:

Na'i Aman santu, obrigado ba ita-boot nia bolun sira ba konversaun. Ami hotu peregrinu iha moris, maibé fó korajen mai ami atu hasoru realidade konkreta sira ne'ebé presiza no husik ami envolve an, hodi buka hatene saida mak Ita husu mai ami, oh Aman, atu sai viajante di'ak liután ba Ita-nia uma. Amen.

MOMENTU DARUAK : “HAMUTUK”

(background musika, lori fatuk kiik hodi tau besik-besik malu iha fatin ne'ebe prepara ona)

Guia: Mai ita halo viajen ida ne'e hamutuk, tanba ida ne'e mak Kreda nia vokasaun. Sarani sira hetan bolun atu halo viajen hamutuk, nunka sai viajador mesak. Espíritu Santu dudu ita atu sai husi ita-nia an rasik hodi bá hasoru Maromak no hasoru ita-nia maun-alin sira, ita nunka atu taka ita nia-an.

Segunda Lettura : Hosi Saun Paulo nia Surat ba sarani sira iha Galásia : 3,26-28

²⁶Housi fiar mak imi hotu sai Maromak nia oan, hamutuk ho Kristu Jesus. ²⁷Imi simu ona baptismu atu moris ho Kristu; ohin imi hatais ona (bele dehan nune'e) ho Kristu nia moris rasik. ²⁸Ne'e duni, la iha tan ema Judeu ka gentiu; atan ka la'os atan; mane ka feto: imi hotu ida deit tamba Kristu Jesus.

Orasaun:

Oh Maromak ami Aman, Ita hanorin ami katak la'o hamutuk ida-ne'e signifika sai tesi-na'in ba unidade, hahú hosi dignidade komún Ita-boot nia oan sira-nian, signifika katak la'o hamutuk iha sorin-sorin, lahó sama ka domina ida seluk, lahó rai inveja ka ipokrizia, lahó husik ema ida monu ba kotuk ka sente husik hela. Fó dalan mai ami atu la'o iha diresaun hanesan, ba objetivu hanesan, rona malu ho domin no pasiénsia. Amen.

Iha momentu silénsiu nian ita reflete... Mai ita husu ba ita-nia an:

Ita iha kapasidade atu bele serbisu hamutuk, iha servisu Reinu Maromak nian; ita iha attitude akollimentu nian, ho jestu konkretu sira, ba sira ne'ebé hakbesik ita no ba sira ne'ebé dook; Ita halo ema sente hola parte ba comunidade ka halo sira iha ninin deit?

MOMENTU 3: IHA ESPERANSA BA PROMESA IDA.

(background musika, lori fini hodi tau besibesik malu iha fatin nebe prepara ona)

Guia: Ikus liu, ita la'o hamutuk iha dalan ida-ne'e ho esperansa ba promessa ida. Atu esperansa ne'ebé la bosok, ne'ebé sai mós mensajen sentrál Jubileu ida-ne'e nian, sai ba ita orizonte viajen Kuarezma nian ba vitória paskál.

Tersa Leitura: lia husi Saun Paulo nia surat ba sarani sira iha Roma. 5, 1-5.

¹Ne'e duni, tan ita sai ema los ona tan fiar, ita dame malu ona ho Maromak housi ita nia fiar iha ita Na'i, Jesus Kristu.

²Housi Nia ita bele to'o tan fiar ba kmanek ne'ebe ita hela ohin, no ita bele gaba an iha esperansa Maromak nia gloria nian. ³La'os ida ne'e deit, maibe ita bele gaba an mos iha ita nia terus laran, hodi hatene katak terus ne'e halo ita

maka'as atu tahan, ⁴no ita nia laran maka'as halo ita sai ema ne'ebe ukun an, no ita nia ukun an lori ita ba esperansa;

⁵no esperansa halo ita laran la nakraik, basa Maromak nia domin fakar tiha ba ita nia fuan housi Espiritu Santu ne'ebe ita simu ona.

I koru: Mate ka moris, anju sira ka ukun-na'in sira, prezente ka futuro, kbiit sira, aas ka kle'an, ka kriatura seluk labele haketak ita hosi Maromak nia domin, ne'ebé iha Kristu Jezús ita Na'i.

II koru: Jezús, ami nia domin no ami-nia esperansa, moris-hi'as ona no ukun ho glória.

Mate nakfilak ona ba vitória, hela iha fiar no esperansa boot sarani sira-nian: iha Kristu nia moris-hi'as!

Iha momentu silénsiu nian ita reflete... Mai ita husu ba ita-nia an:

Ha'u iha konviksaun katak Maromak perdua ha'u nia sala sira? Ka ha'u hanoin katak ha'u bele salva ha'u-nia an? Ha'u hakarak tebes salvasaun no husu Maromak nia tulun atu simu salvasaun ne'e ka lae? Ha'u konkretamente moris esperansa ne'ebé tulun ha'u atu lee akontesimentu sira istória nian no dudu ha'u atu kompromete ha'u-nia an ba justisa, ba maun-alin, ba kura ita-nia uma komún sira, hodi garante katak laiha ema ida mak husik hela iha kotuk?.

Guia: maun-alin sira, grasa ba Maromak nia domin iha Jezús Kristu, ne'ebé oras ne'e haraik mós mai ita iha sakramentu rekonsiliasaun nian, ita mantein iha esperansa ne'ebé la bosok. Esperansa mak ânkora klamar nian, metin ne'ebé halo ita reza:

Maromak, ami harohan atu ema hotu bele hetan salvasaun, haraik atu ami bele matan-moris, maski ami nia impasiénsia bele halo buat ne'ebé maka serteza sai la serteza, no tempu badak tebes sai naruk. Atu Virjen Maria, Inan Esperansa nian, intersede mai ita no akompaña ita iha ita-nia viajen. Hodi Kristu ita Na'i.

Assembleia: AMEN

Bensaun final

Kantu final

Idaidak sei prepara-an atu halo konfesaun.